

# **Regulamentu di a Chjama à Prughjetti**

## **« Casa di a Lingua »**

### **Ramentu**

L'Assemblea di Corsica hà adduttatu u pianu Lingua 2020 chì definisce u quattru d'azzione di a Cullettività in u duminiu di a lingua corsa.

I dui principali campi d'intervenzione di a pulitica linguistica purtata da a Cullettività di Corsica sò, da una parte, l'educazione è a furmazione, è da una antra parte a prumuzione è a diffusione di a lingua corsa in a sucetà.

Ghjè in u quadru di a messa in piazza di l'assu di travagliu chì si pugna di sviluppà i metudi d'immersione ch'ella si scrive issa chjama à prughjetti.

À traversu issu dispositivu, l'ughjettivi di a Cullettività di Corsica sò di :

- Fà spuntà è mantene à longu andà l'iniziative d'immersione in lingua corsa di qualità ;
- Sustene è valorizà ogni attività o evenimentu in immersione in lingua corsa ;
- Parmette un'offerta immersiva diversa, nuvatrice accessibile à publichi varii;
- Favurizà a mutualizzazione di i media incuragendu e pratiche immersive cullette, per via di u spuntà o l'assudera di e rete di l'attori dinamichi ;
- Parmette l'accessu di isse pratiche immersive in lingua corsa à tutti.

Issu regulamentu definisce e mudalità di candidature è quelle di l'affettazione di l'aiuti in u quadru di issa Chjama à prughjetti.

### **Articulu 1° : Oghjettivu di a Chjama à Prughjetti « Casa di a Lingua »**

Hè destinata issa chjama à prughjetti à ogni aggruppamentu d'attori (associ, individui, urganisimi) chì mette in cumunu i so mezi da assicurà un prugramma d'evenimenti o d'attività in immersione totale in lingua corsa.

Sta Chjama ha cum'è oghjettivu u sustegnu finanziaru di issi prughjetti immersivi in lingua corsa.

### **Articulu 2° : Elighjibilità di i candidati**

A Chjama à prughjetti hè aparta à l'attore o l'aggruppamenti d'attori chì pruponenu un prugramma d'evenimenti è/o d'attività in immersione totale in lingua corsa.

In casu d'aggruppamentu, hè solu l'aggruppamentu di l'attori à pudè ottene a denuminazione « Casa di a lingua » data da a Direzione di a lingua Corsa di a Cullettività di Corsica.

A direzione di a lingua corsa cunnosce per solu interlocutore l'associu definitu cum'è u « Rapisintente » di a « Casa di a lingua ».

### **Articulu 3 : Mudalità di candidatura**

U cartulare di candidatura si telecaricheghja nant'à u situ di a cullettività di Corsica :

<https://www.isula.corsica>

Issu documentu deve esse cumpltittatu cù firma è sciaccarellu di u rispunsevule di a « Casa di a Lingua » po vultatu :

- via mail à [Bernard.Ferrari@isula.corsica](mailto:Bernard.Ferrari@isula.corsica)
- via a posta à

Hôtel de la Collectivité de Corse  
22, Cours Grandval  
BP 215 – 20187 Aiacciu Cedex 1

per :

**u 15 di marzu à 4 ore dopu meziornu, ultima data**

#### **Articulu 4° : Analisi di i prughjetti**

Tutti i cartulari sani è cumpletti sò analizati da un'istruzione fatta da (u cumitatu tecnicu sciutu da) a Direzione di a Lingua Corsa di a Cullettività di Corsica.

I cartulari ghjunti data scaduta o ch'un sò micca cumpletti ùn saranu micca analizati.

A prisentazione d'ogni prughjettu deve assicurà à a Direzione di a Lingua Corsa a determinazione ghjusta è quantificata :

- di u sbucinà di u prughjettu (locu, data, tempu dedicatu...)
- l'intervenzione d'ogni attore (e so missione, e stonde dedicate, i so costi...)
- di u costu d'organizzazione inghjennatu per u « Rapisintente » (osinnò una stima glubale à 10 % si pudarà fà)

#### **Articulu 5° : Criteri di valutazione di e candidature**

I cartulari di e candidature devenu parmette à (u cumitatu tecnicu sciutu da) a Direzione di a Lingua Corsa di a Cullettività di Corsica di valutà a pertinenza di i prughjetti prisintati nant'à a basa di i criteri quì sottu :

- Dimensione immersiva in lingua corsa, vale à di a capacità à mette u publicu in situazione attiva in lingua corsa (esempi : assicurà una cummunicazione urale, un scambiu, una restituzione, una produzione scritta, etc...)
- Impegnu di a squadra d'intervenente in u prughjettu (diploma è spirienze, tempu accursatu, qualità pedagogica à prò di l'immersione)
- pertinenza di a pruposta di valutazione di u publicu (detagliu di e cumpetenze urale è/o scritte, frequenza di e valutazione da quantificà è valorizà i prugressi)

Ogni prughjettu vene analizatu sicondu i criteri di valutazione definiti quì sopra è classificatu in un sistema di nutazione da 1 à 5.

A chjama à prughjetti si pudarà rinuvellà ogni annu, u più durante trè anni, un prughjettu turnatu à prisentà averà da esse argumintatu è detagliatu cum'è un prughjettu novu.

#### **Articulu 6° : Alteze di l'aiuti finanziarii**

A Cullettività di Corsica cuntribuisce à u livellu finanziariu sin'à 70 % di a soma totale di i costi chì si ponu piglià in contu cù una limita di 50 000€ à l'annu.

S'intende cù costi chì si ponu piglià in contu quelli chì si ponu appaghjà propiu cù l'evenimenti e manifestazioni di u prugramma prinsintatu. **Tandu e cariche di funziunamentu di e strutture devessenu pruratizate à u tempu effettivu cuncessu o puru rapurtate à un costu urariu ch'omu pò abbonà.**

L'aiuti finanziarii ponu essu :

- per ciò chì tocca e spese di funziunamentu
  - a messa à dispusizione di i locali
  - a presa in carica di e pighjò
- per ciò chì tocca e spese pedagogiche
  - a messa a dispusizione di puntelli pedagogichi (cù Canopé)
  - e spese di e furniture è piculu materiale
  - a remunerazione d'intervenenti storni (sperti, pedagoghi...)
  - a presa in carica di l'azione di furmazione
  - a presa in carica di i spiazamenti
- per ciò chì tocca e spese di funziunamentu di u parsunale sputicu di a casa di a lingua :
  - a presa in carica di i spiazamenti
  - a presa in carica di i ripasti

Puderanu solu esse pigliate in contu per l'aiutu finanziariu e dumande fatte dopu attribuitu a denuminazione di « Casa di a Lingua » da a Direzione di a Lingua.

### **Articulu 7° : Regula rilativa à u cumulu cù aiuti altri**

L'aiuti di issu dispositivu « Casa di a Lingua » si ponu cumulà cù l'altri aiuti publichi porti da cullettività altre. Tutte e sullicitazione d'aiuti publichi avaranu da esse prinsintate in u bugettu previsiunale à titulu infurmatiuvu.

Quelli aiuti sò cuncessi accant'à quelli chì ponu esse dati per eventi periodichi è uccasiunali chì si ponu integrà in u dispositivu « A Festa di a Lingua ». Datusi chì l'oghjettivi è i regulamenti venenu sfarenti una manifestazione presa in carica da quessu u rigulamentu ùn pò benefizià di u dispositivu « A Festa di a Lingua » è tocca à a presentazione detagliata di i bugetti previsiunali à attestà la.

### **Articulu 8° : Ubligazione di i benefiziarii**

I benefiziarii sò in l'oblicu :

- d'utilizà l'aiutu rispittendu l'oghjettivi chì li anu parmessu a so attribuzione
- di cummicà u sustegnu di a Cullettività di Corsica nant'à ogni arnese di prumuzione è di comunicazione (affissi, dispacci, intervensione in a stampa...) inquant'à e manifestazione è attività aiutate
- Di mette ogni attività sottu à a so rispunsabilità sola, sottoscrivendu i cuntratti d'assicuranze chì accorrenu, da ch'ella ùn sia impegnata nissun'altra rispunsabilità.
- Di cummicà à u più prestu, ogni mudifica amministrativa o operaziunale (messa à ghjornu di i cuntatti, identità di l'intervinenti...) chì pudarianu accorre à a Direzione di a Lingua Corsa.

### **Articulu 9° : Attribuzione di a suvvenzione è virsamentu**

Un prughjettu di deliberazione argumintatu hè prisintatu à a fine di u 2018 à a Direzione di a Lingua Corsa chì piglia pusizione di modu fermu è definitivu nant'à ogni dumanda fatta.

I candidati saranu infurmati di i risultati di a Chjama à prughjetti durante u mese d'aprile di u 2019.

U virsamentu di l'aiutu finanziariu sarà calculatu per ogni « casa di a lingua » è fattu à u « raprisintente » in duie volte sicondu quesse e mudalità :

- 40 % in i dui mesi dopu ottinuta a denominazione « Casa di a Lingua »
- 60 % prisintati ch'elli saranu i ghjustificativi relativi à ogni prughjettu.

### **Articulu 10° : Ghjustificativi à dà**

À chì porta u prughjettu avarà da dà à più tardi per u 15 d'ottobre 2019 :

- Tutte e fatture relative à u prughjettu
- I conti resi di e valutazione fatte è/o di l'altre azzione cù un scopu pedagogicu.

L'inseme di e pezze ghjustificative sarà esaminatu da a Direzione di a Lingua Corsa, di pettu à a validità è à a cuerrenza cù u prughjettu è u bugettu prisintati à l'iniziu.

A soma di l'aiutu pò esse mudificata in funzione di a cunfurmità è di a cuerrenza di i ghjustificativi dati.

### **Articulu 11° : Non rispettu di l'ublicazione**

Saranu cunsiderati cum'è mancanze à e cundizione i casi quì sottu :

- l'utilizzazione in tuttu o in parte di l'aiutu datu, per l'urrganizazione d'attività altre cà quelle chì anu inghjennatu l'affettazione di quellu aiutu
- Di modu generale u non rispettu d'una dispuzizione discripta ind'è quessu u rigulamentu.

Ogni casu di mancanza tal'è cà discripta sopra à quì cagiunarà a minurazione, u non virsamentu o u rimborsu di l'aiutu datu, à a Direzione di a Lingua Corsa.

### **Articulu 12° Rigulamentu di e lite**

In casu di lita in l'appiecazione di issu rigulamentu, solu sarà cumpitente u Tribunale Amministrativu di Bastia.